



**CULLETTIVITÀ TERRITORIALE DI CORSICA
ASSEMBLEA DI CORSICA**

1^{MA} SESSIONE ORDINARIA PER U 2016

SEDUTE DI U 14 È DI U 15 D'APRILE

N° 2016/O1/014

**DUMANDA À BOCCA POSTA DA M. Dominique BUCCHINI
à u nome di u Gruppù « Elue(s) Communistes et Citoyens du Front de
Gauche »**

OGETTU: Furmazione di i giovani agricoltori corsi

O Sgiò Presidente di l'esecutivu,

Sò cunvintu chì l'Assemblea di Corsica pensa chì a furmazione di i giovani corsi sia una priurità di l'attuale mandatura, cum'ella hè stata di e precedente. L'agricultura hè, in Corsica, unu di i puntelli principali di sviluppu economicu, d'inserzione professionale, è di valorizzazione di u territoriu.

L'EPLEFPA liceu agriculu di Sartè, à traversu i so quattru centri, liceu, CFA-CFPPA, splutazione d'appoghju, hè un attore ch'ùn si pò schisà in Corsica per furmà l'agricoltori di dumane, è per a trasmissione di i sapè di l'anziani è a messa in opera di e tennulogie agricole nove chì feranu l'agricultura di dumane, è digià quella d'oghje (zeru fittò, sviluppu ragianatu è a longu andà, circuiti di pruviste corti, etc...)

Tengu à sprimà vi u mo penseru veru in quantu à e cundizione materiale chì l'elevi, i studienti, e persone maiò è l'amparenti di l'EPLEFPA-liceu agriculu « U Rizzanese » ci travaglianu è credu necessariu di ch'ella sia dichjarata a priurità per a rinnuvazione di l'edifizii d'insignamentu è l'internatu.

In seguitu di una visita sopra locu di l'anzianu Presidente di u Cunsigliu Esecutivu, credu chì u cantieru di rinnuvazione di l'internatu programmatu dapoi u 2014 devi principià nanzu à u 31 di decembre di l'annata in corsu, u studiu tennicu essendu digià finalizatu in tuttu.

Hè indispensevule chì un studiu tennicu approfonditu da scrive u quadernu di e cariche di rinnuvazione di l'esternatu (sale di corsu è di specialità), cum'è a creazione di l'attellu d'agroecchippamentu, inesistente in u stabilimentu ciò ch'ùn li permette micca di riempie e so missione in cunfurmità cù i referenziali di i

cuntenuti d'insignamentu, sia fatta à cantu, in cuncertazione cù l'attori (direzzione è persunali di u liceu) nanzu à u 31 di decembre di st'annata.

A prucedura tennica è amministrativa chì sequiterà deverà sbuccà à contu meu nantu à u lanciamentu di e chjame d'ufferte per a rinnuvazione di l'esternatu à u più tardi u 31 di decembre di u 2017. L'elevi di u liceu è i persunali aspettanu chì i cantieri afferenti principiessinu à a fine di u 2017.

O Sgiò Presidente, pensu esse onestu dicendu vi chì a cumunità educativa aspetta cù assai serenità, e vostre risposte.